

皇清文穎續編

皇清文穎續編卷五十五

詩

樂府

平定兩金川饒歌十六章

謹序

于敏中

定西將軍阿桂以乾隆乙未十二月盡得金川
之地遂進兵圍噶喇依賊巢丙申二月四日克
之獲逆酋索諾木暨其兄弟屬黨檻車獻俘越
八日露布馳達

行在

上適以咎功

珠邱禮成

駐薊州之桃花寺

景佑翁集

皇心穆愉衢氓軒輶扈旅忭賀

上展開紅旗立成凱歌十章復

製爲郊勞紀勲之辭合前此勒烏圍誌事之作又各

十章通爲三關

授工肄習被諸管絃於

東巡回蹕郊臺陳壽拜

天將士謁見時譜以爲勞還之樂而以仗前鐃歌樂

曲

命臣敏中爲之

臣謹案蔡邕禮樂志云漢樂四品短

簫鐃歌軍樂也黃帝岐伯所作以建威揚德勸
士也漢有朱鷺等二十二曲列於鼓吹謂之鐃

歌魏晉以逮隋唐並沿其制篇系以名義各有
取臣自惟龔陋不足探岐伯制作之原又未能
闡驚鼓合曲之奧慮無以宣盛美答

明詔然臣竊幸叨塵

禁近臣職又在文章溯自軍興以來承

旨書事記睹畧得什一謹依次詮敘撰鐃歌十六章
愧於樂府無似僅僅塞白而已惟是鐃歌體裁
大抵言戰陣事其辭質其義淺至於推原

制勝之由臚述

握鈐之要則歌曲無得而詳焉

臣日侍

左右仰見

聖天子於兩金川軍事前後五載

籌筆勤勞實非管蠡所能窺測其梗概尙得約舉而
粗陳之當軍書旁午

詢問郵籤時無間輟奏函旣擘則

批答指授弗愆晷刻或晝有所思不傳餐而亟

啓之或宵有所計不安枕而晨

訓之以故事無停機而捷若應響若夫軍營啟事往

往繪圖以隨

上披覽輒用丹毫乙識其處

示以奇正機宜遵而行之屢有克捷或

旨未至而闔外所籌適相脗合亦每得利以故賊無

遁形而戰則必勝又賊人藉以緩我者僞爲納

款設以誘我者請往受降而其所潛伺者則在

截我後路

上皆洞燭其奸

敕毋與通檄問雖未弁亦勿冒昧出營且所在嚴防
勿使夾垵得逞賊人於是計日窮而勢日蹙又
我師攻礪奪砦身冒矢石勝則錫號遷階以旌
之或偶得創則必撫賞詢慰

屢念不置將士於是勇益勵而志益奮然遇嶮巇難
進必戒毋輕率而捷書每至

聖心惟盈滿是凜用能膺

昊貺集鴻勳人但知成功之盛而不知

一人之焦勞審慎所以致此者誠非易易也

臣

因作

歌而序及之冀申區區惓款以達詠蹈之誠至

臣

猥以庸下迺得蒙

渥恩授世職

賜翎雙眼圖形

錫贊榮寵實逾涯分則又非長言短引所能罄其銜

感之忱者也

聖畧宣

皇威鬯風行電激物震盪物震盪聲靈馳靡堅不破
高不摧曩西域版圖廓一萬餘里我疆索兩金川敢
抗干自作不靖適自殘五載底績除兇頑春風吹饒
入桃關奏凱還虎臣罷士皆騰歡

右

皇威鬯一章十六句

索諾木僧格桑樞生熊狽附狼始蠻觸相尋奚事谷
斯越數歲益蠶食鄰境遂各罹其殃矧聞維州之謠
禍心包藏浸假約束是脩

恩德是忘勢在不得已整我戎行師出以慎動罔弗
臧用乃聲厥罪懲厥狂

右慎行師一章十七句

赫斯怒兩軍指巴朗拉從風靡取達圖克資哩西路
角之南路摘約咱旣得卡了救革布什咱復其疆里

險如達烏安足恃鉦擊柝應倬狂魄震褫夾擊威洊
雷駛

右犄角攻一章十五句

小金之屏曰僧格宗猱攀不度堅礪如叢我軍先登
摧枯振鐸采入其阻直抵美諾亦朗底木迫圍窮林
厥子喙走厥父就擒汗牛板昭傳檄帖伏趨拉悉平
軍聲赫濯

右趨拉平一章十六句

促浸西爲逋逃數罪惡尤鞠旅移指討厥比周徑阻
雪積我軍遲留彼潛伺微玃逞其狡謀降番應之紛
相投屹然南路整衆還輶新壁壘厲鉦矛遂進次乎
日隴之陬

右討促浸一章十四句

簡我禁旅勇且健七千其衆一敵萬統以將軍旗鼓
建定西印

授西路進南路是副聲並震獎率趨材馳敢戰舉旗

摩壘士氣奮履險如夷兵不頓有若熊虎懾颺趨
拉全境薙株蔓曾不旬日收復徧號號如霆一何迅
右迅霆復一章十二句

八旗兵來如風西路入谷噶通南之隘克馬尼拉窠
卡大如礪礪三路心力齊一阻險功在西喇穆山曰
則口據默格斷其後八旗兵勇可賈綠營衆悉鼓舞
右八旗勇一章二十句

我軍馳先聲醜徒志以離窟窟渠伏冥誅械獻貳負尸

七圖及蒙固縛之如連雞系孥側累來檻致於京師
咄哉窮猿僵禍速焚林貽

右窮猿僵一章十句

北路險曰宜喜賊死守限尺咫絨布移兵循塗西指
綽斯請留願効驅使出奇制勝賊披靡冒雨揚兵兵
爲洗扼山梁築吾壘

右扼宜喜一章十二句

乘勝攻賊拒遏堅礪轟重壕掘康薩爾山徑險且萃

鹿角如麻憑阻轆轤我軍薄之若排闥曷深曷巍一
躍而越踞厥顛蹂厥穴木思工噶取如掇臨高壓之
下視巉巖蒙茸氣吞力隨拔

右越重壕一章十六句

河之西穢棘不可窮元戎決勝合力攻俾賊顛不得
顧趾不得容日旁以右羅寨柵奔而逃羸豕蹢火其
崖垠照燭赫五十里間地爲赤賊潛喘餘燼灰飛將
軍從天來

右河之西一章十四句

夾河陳軍相望風雲通氣益壯噶爾丹旣攻建瓴注
之扼彼衝清後路勝算雄狙伏爲患惟遜克爾宗梯
牆斫穴如抉叢後路清賊勢窮世臣繼勇勲名崇

右後路清一章十四句

昆色爾高騎脊危拉枯下瞰烈焰飛菑則大海鞭一
麾奇謀百出克勒圍八月中秋夜半時月光鏡膽寒
妖魍狡有三窟一窟固已摧磨盾馳木蘭八日來紅

旗

右一窟摧一章十一句

西里既剗卡角斯折彼頑不靈螳斧當轍索隆科布
屢摧其堅安布魯木迅掃其孱舍齊暮擣雍中朝蹇
盡撤藩以入巢幕岌焉賊境日蹙百纔一存釜底羣
聚遊魂曷延

右釜底魂一章十六句

賊負固噶喇依困獸猶鬪四面圍批其腹心外不支

甲雜獨松潰河西馬邦拾芥彼自隳陸宜水害會我
師環以巨礮焦灼期計窮乞命俘渠魁罪人斯得逮
旄倪穴蟻迅掃無留遺定以百戰誠若斯

右穴蟻掃一章十二句

武功蕝

珠邱告禮成

駐蹕露布適報策勲懋賞下

明詔遂奉

慈輦東狩還舉

郊勞儀獻纛俘於

社

廟崇善歸美尊上

徽號

親製紀功碣勒太學第功臣次宴紫光圖其貌屯師
設鎮洽聲教億千萬禩安笮徼

右

武功成一章十六句

平定兩金川雅四篇

謹序

程景伊

維

天佑我

皇祚日熒露濡罔弗俾乂乃趨拉促浸悖道備

恩蜩沸徼外相倚毗作懸僻陋在圉未勤我武士日

引月延稽奉

天討兇首狃我寬政滋負阻以狂鄰番腹臆顙掄恐

後

皇上明罰敕法授律元戎爰整旅以征之批卻道蘇
悉稟

睿算趨拉土舍僧格桑以鋌走斃移師促浸屢毀其
巢賊弗能措旋自潰逆酋索諾木窮蹙就縛厥
母姑姊妹舅弟頭人之助惡者咸俘以組無或
漏網出師五年羣人斯得維

聖天子天造神斷除暴安邊景燦隆古而

皇上歸德於

天

祖歸福於

慈寧歸功將士

謙德彌劭禮洽慶行

臣

惟樂以象功詩以詠德成周

之盛伐獫狁威蠻荆平淮夷省徐土詩人美之

其辭列於大小雅

臣

誠不文無以踵跂雅材然

由詞翰通籍忝值

綸扉且蒙

恩以文字教導庶常吉士爲職宜有徵述蹈詠

鴻謨於萬一不揆樛昧撰平定兩金川雅四篇謹拜
手稽首獻焉

苞蘖趨拉肇釁按旅徂征遂平之也

維參曰伐維井曰絡莫我戎疆弗以勤我略維井曰
鉞維參曰旗衛我戎疆弗以勤我師

一章

我畧遠矣我師肄矣苞蘖其間誕蜂螫是肆昔也戎

疆今者異類 二章

於皇我

皇怙冒萬方肆蠚蠚螭螭曰予好生是常之紀之綱
既飭既匡俾弗越畔以狂我以寧我疆 三章

蠢彼狂番抵觸于藩肆虐于鄰肆虐于鄰促浸于援
相濟以惡釋怨而昏伊鄂什是腓伊革布是殘 四章

皇耆乃武孱者鳩之獷者劉之彼準夷弗若彼回部

驛騷 叶

擴二萬餘里奉我

皇猷矧茲小醜敢爲賊爲螫予曰有連帥予曰有爪
士撤戍于滇韎幹濟濟惟庸蜀羌髳踴躍執鞭弭
章

斑斕之山山嶮以礪岩岩約咱亦孔之紆自西自南
兩軍祛祛剔其灌莽載襄首塗

六章

師之徂西委委蛇蛇如取如攜造攻自達圍資哩從
風或梯之楫之至於明郭宗曾莫攫我鋒

七章

師之阻南繩懸索度以復侵地以存革布胡墨壘溝

愆于五步 八章

帝簡虎臣代帥其軍采入其阻匪棘匪安矢于甲木
蹶其藩垣肆龍登美美火烈具燐蒙固其梁美諾其
疆西師會之翼翼洸洸羈逸于穴我獲其貪狼 九章

寇之窮矣走以伏莽女厲女爪牙女結女心齊女軼
我池阿女騷我安堵女自罹

天刑寧賁女釁鼓薄言震之惟

天子之武

十章

右荀彧十章四章章八句二章章六句一章

十五句一章十四句一章十句一章九句

寅威索諾木納我叛人守險拒命

簡帥濟師審戎機以摧堅銳也

孫之升矣孰又教之孫之隕矣孰又劭之功噶當噶
因壘造之桓桓其征二甄導之一章

功噶嚶嚶昔嶺嶢嶢賊憑其櫟萬仞橫礪其心孔壹

我士氣則淆擾我和敘彼也性也梟二章

帝曰女桂女親臣世臣女佑德于純女展采于勤女
進策女勲女退輯女軍既有寅威女統中權曰亮曰
昇額左右女以後先

三章

帝咨于桂練士在精師干之試畀女中兵健銳之勅
索倫之英濟以火器有礮有槍

叶

有彈有繩其徒七

千爲戎伍式型

四章

帝咨于桂女出西路亮取其南循桂之步我士馬飽
騰我番夷訢附我糗糒充儲我甲兵繕富同力同德

以踣戎寇

五章

帝咨于桂惟元惡大憝戮弗可賞或育其箐林或遺
其俘繫或怙虐湮淪或力脅反噬克泚其衷尙宥厥
躬予生生是恭置

上帝之庸

六章

桂拜稽首受

命于師率其勁旅伐鼓揚旂日隆關開殷其鞞轍北
山之北蟄戶驚雷曾未浹日趨拉以恢串夷載路鋌

險而隤

七章

右寅威七章二章章十一句二章章十句二章章八句一章十二句

周陟師武臣力克承

睿策悉俘羣醜武功成也

周陟蕩蕩獸依其羣迄之瓜之其榿其櫛有川灝灝有峯嶙嶙一夫重閉萬夫逡巡

一章

桂揚

皇武束騎懸車相其厓滋以棧以舫動于九天靜于
九淵進自谷噶擣其中堅

二章

亮統其師揚麾馬尼疊疊昇額宜喜旌移牽之綴之
勢爲掎角右翦左屠勒圍在握

三章

堂堂結陣肅肅銜枚獸窮于阱人或獸哀綽窩斯甲
議款翩來格桑有孥格桑有骸惴惴以獻霽我洊雷

四章

寇之旣窮屢乞我容寇之旣憩屢背我惠昔于女鞠

育女叛胡速今女網是觸于女顛覆

五章

維仲之秋徼月昭昭張我周陟毀寇之巢維仲之春
谷風發發張我周陟躡寇之窟

六章

衝車其舒束矢其擣寇降于軍其母其姑寨垣旣塹
寨夷旣瘠寇降于軍其兄其弟

七章

維索諾木遯不可得率其醜徒奉其符敕朱組纍纍
其麗不億

八章

帝巡春甸告功于

陵捷書畫至寶

皇祖式憑捷書之至

帝閔且矜閔我戎士矜我邊氓

九章

帝曰班師來左右靖共吏以綏馭兵以折衝昔者異類今也提封金川之平

天子之功

十章

右周陞十章九章章八句一章六句

凱懌

聖武旣昭行慶秩典申無疆也

凱矣懌矣肇敦戎功薦茲

茂績于

祖于

宗繼于朔漠暨青海奮庸

一章

巖巖岱宗儲福單厚日觀月觀升恒孔壽洽此膚公
愷樂

聖母

二章

穆穆

宣尼萬世之師薄采其藻舍奠攸宜

帝臨泮林有秩其儀

三章

帝迺時巡懷柔百神于齊于魯憺于九垓士女欣欣

室家臻臻

四章

迺蠲田賦迺給丁錢迺廣庠序迺禮高年迺清狴岸

迺卹兵屯迺第嘉頌曰偃武修文

五章

凱師至止

帝勞于郊淵淵鷺鼓嘒嘒笳簫振振有服韜弩垂囊
覲于

天子拊抃陶陶

恩言錫爵惟五載劬勞

六章

迺獻囚俘于

廟于

社我

皇受之

午門豁開厥徒實繁束項械蹀躞嗷嗷哀生厥形醜醜
正我典刑

恩不再假

七章

惟茲武成

帝不自推謂

聖母之釐救寧載奏豫順以時煌煌

玉冊加

尊號允徽

八章

惟茲武成

帝不自居謂羣力孔都延世以爵求形以圖式是萬

世七德誕敷

九章

武功既定

皇心載寧

聖有謨訓萬里勒銘萬里勒銘近于辟靡

叶

既伯既

偃述我太平於萬斯年展也大成

十章

右凱憚十章四章章六句三章章十句二章

章七句一章八句

平定兩金川大功告成雅十二章

謹序

翁方綱

臣

竊稽揆竹素伊自軒帝肇除九淖造鐃角鼓

鉦以震不庭不享虞征有苗殷克鬼方周詰戎

兵邊蠻服庸蜀羌髳微盧彭濮具列於典誓若

迺神謨密授摧堅洞幽雷霆暉煒響徹千萬里

外詩書所載罕臻焉

皇帝至德廣運道光丕冒協氣旁流儋耀八極煌煌
豐碑旣三樹太學矣蠢茲促浸趙拉負固一隅自
作不靖以大動

天威罔或於遁

皇帝命將選旅兩路進剿

親授方畧金鼓從天而下千崖萬谷靡有匿景爰屢
拔其石碣摧其木城克其山梁卡隘采險奪要
官軍前後數百戰飛騰環合遂克勒烏圍而搗

噶喇依逆酋索諾木并其兄弟及黨惡大頭目
等悉就擒俘罪人斯得兩金川平露布捷

聞

皇帝以大勲慶集敬告

東陵

西陵祇謁

岱宗祝嘏

慈釐告成

闕里旋

蹕舉行

郊勞之典次日獻俘

闕下威暢禮備恭上

聖母皇太后

徽號普天愷樂酬庸銘功

帝文炳耀鏗冒金石丕丕乎貞符之上軌也昔孔子

敘錄周之篇什自選徒出征勞率還師典文之

懋功烈之著莫詳於雅孔穎達曰論功頌德之
詩多在大雅又曰二雅爲樂章之正經是也
臣幸得奉職詞垣恭際

聖武布昭

日月光華鏡燭宇宙六幕之內無不瞻詠舞蹈玉潤
而金聲臣竊不揣愚昧敬附詩人雅歌之義撰
雅十二章敢拜手稽首以獻其詞曰

皇武有赫威光下布金天西顧蕩平遵路震乎如霆

霈乎如澍翔兮如風濡兮如露如秋斯栗如春斯煦
如日星垂如江海注山川萬靈助我奮怒

天聲遠揚鏘鏘朱鷺

一章

蠢彼金川種附坻羌接九土司印笮夜郎噶喇依巢
勒圍相望瀘河經焉夾以崖岡綽斯甲水繞出日旁
番礪番卡亘之山梁豈其險遠敢肆鴟張豈其不悛
敢抗顏行

命師兩路以剪彼狂以綏蜀陬以靖蠻疆

一章

恩波滂涵庶邦無不霑川省綬征爰暨陝甘暨經過
各省於楚滇黔我旅巖巖有翼有嚴八旗勁兵克奮
克戡健銳火器士如虓彪吉林索倫雄猛趨趨皆一
當百颯爽氣酣歌舞長驅自西自南

三章

金川如釜底雪峯盤互谷噶了口諸山梁相附喇穆
喇穆橫碣斯據我師繞出之奮勇齊赴進克馬尼靡
堅弗仆促浸南路卡卡角其戶庚額特之西壁窄自
固

天討殛之實惟實怖其器自裂火不得炷我軍三面
雷鼓其怒踴躍大呼穿雲飛度嶮巘千百層一線直

注 四章

兜烏丟烏其硯其隘滴博達婆雲間雪外杜甫所誇

秋風旌旆

天筆考之卽色溯普界羅博瓦山梁建瓴所會諸峯
一掃更哭峯之對格魯瓦角又其要隘日則了口迤
邐相帶莽莽林箐勇氣百倍一發萬弩礮石礮礮投

帝填隍同聲一快

五章

既壓既冲抉其重墉更越重壕鉤援臨衝既拔康薩
爾全勢胥從我武益揚直窮其蹤噶爾丹寺遜克爾
宗昆色爾拉枯乘勝進攻於川於原夾擊重重沙石
飛轟或磔賊於半空電鎗星鋒祥光熊熊露布奏功
暢

行幄金風兌秋正中

六章

捷音棧驛飛遞於西八日而至喜氣同之於勒烏闐

於噶喇依於喇嘛寺雍中舍齊賊旣窮感搗穴弗支
妖慘驚狎繫來纍纍水靜山空耀我
天威桃關紅旗接踵來馳綠樹

凭窗入

帝歌詩 七章

帝謁

兩陵大禮慶成環拱百靈萬祐是承惟

耿光是繩惟

大烈是膺

帝秩於

岱嶽備禮備樂惟

慈福是祝惟

慶典是渥

帝告成於

闕里旣多受祉惟

聖治同軌惟

聖心同揆

八章

既多受祉郊臺良鄉卉木依依朱櫻綠楊鳴螺交作
饒吹洋洋

帝御黃幄勞賚有章詰戎

家法舊典逾光翼日獻俘告

廟升香

帝御午門大樂鏘鏘

宣示武成喜溢萬方

九章

萬方之喜皆

璇極之祉恭上

崇號載申

福履萬方之澤

萬福之錫

聖日之照

慈雲之式爰及酬庸行慶敘功

紫光畫圖卿雲融融

恩滂施溥先郊圻齊魯耆庶壽穀暢我篤祐

十章

自古未有

宸藻光輝辟雍戟門四見

豐碑自古未有

天風卷阿由秋轉春三聽

凱歌自古未有捷音遠播藩部臣僕萬方來賀自古

未有百戰膚功七千里外三捷旗紅

十一章

昊天之純釐我

皇受之

昊天之景命

皇武惟耆定環萬萬國同風樂愷日出入處極大瀛
海蕩平遵路設鎮駐兵於億萬年同我化成

十二章

皇上七旬萬壽上壽曲九章

陸錫熊

彰

聖符邁威神應

帝期沂昌源肇大邦作高山

武之揚燦豐功

叶

殲四路燁霆震輾松杏誠麋廬宅

新邑正三辰

烈丕承廓岐幽蒙古服朝鮮臣式

典訓垂億年大一統咸率賓

聖繼

聖綏兆民頌鳳紀覲龍鱗訖晡昧融

皇仁鍾

五葉開風雲篤嘉祐生

聖人迪

前光嬋竇聞大報功昭睦親洽辨章化無垠獻

曼壽彌千春

右王公上

壽曲一章四十句

皇帝踐阼董正百官邕熙念德治登泰安於穆衢室
疇咨日勤棘序槐庭咸荷

照臨

帝挈懿綱臬表儀陳吹之揚之有翹其倫蹈之蹶之
有恫其昏

天鑒因材品式平均坦坦康達祁祁德心王道正直
人思自殫

聖壽萬億紳纓洽歡

右文職諸臣上

壽曲一章二十一句

我

皇握樞機稜威八荒參旗井鉞用征不庭普天率土
莫不來王執義討不慝

天聲震戎疆出車有衡旗有章

廟算協惟斷以有成助順

天降康撫附剝逆萬里不持糗糧月躋旣平河源旣
通逮西山白狗羌敢跳踉刑有常

天戈一揮縶酋如羊畚耒耕邏戍遙相望四衛遺支踣
羅刹而歸誠會爰間伊綿觀

光磨高崖凌穹蒼與天並永

萬年慶無疆

右武職諸臣上

壽曲一章三十一句

聖化浹兮九區受

朝寄兮韞曳而佩紆奉進止兮

皇之謨燭萬里兮戶樞述我職兮來趨凜

命討兮袞與鈇

皇之巡兮遵川塗効負弩兮前驅

御茨階兮臨青蒲仰

儉德兮垂模流竹箭兮波徐石鱗鱗兮海之隅迴
重瞳兮都兪輦奕襪兮塵河渠願年兮兮掃除迓
清蹕兮承懽娛

右岳收諸臣上

壽曲一章十七句

大君履床慶中外被禔福佚老歸田廬

恩優視祠祿生逢太平年名亞耆英續皤皤偕庶老
子弟互勉勗銀牌綴綵縷黃紵耀華服肖翹各舍生
矧乃荷

涵育山中芝作蓋海上籌添屋

天行仰彌健臣齒愧見錄願同擊壤民常効華封祝
右在籍諸臣上

壽曲一章十八句

天垂奎壁文章府五緯聯躔珠貫組

聖人則之成化普芹頻青阿大斲鼓山川出雲天降
雨詆蕩亨衢鴻籙羽甲乙環開

恩榜五孝秀論升欣接武泰濛之西灤水許新黌絃
誦皆鄒魯體祛軋茁崇雅古如周中規折中矩

彛訓崇閎式藝圃羣流滙瀛寰四部蕭艾咸芟採蘅
杜

三閣牙籤扶棟宇故事麟臺那足數

壽考作人欽

聖主橫經挾槩紛歌舞

右士林上

壽曲一章十九句

桐生百物華滋十雨五風應期

醴膏周流四垂含哺鼓腹以嬉

湛恩次第溥施壤賦全蠲不貲漕艘限年罷齋

賜復屢浹淪肌窮檐貸穀行糜寒暑

勤思怨咨艱難

知小人依昔卽髻皆艾耆長養幸際

昌時疏秧春隴一犁納稼秋倉萬坻爲此春酒介眉
元會運世遞推兕觥歲晉

蕃釐

右耆庶上

壽曲一章十八句

象胥鞮譯六幕陶

皇風車書玉帛內面爭來同外臺菜幣王會陳髡宗

亦有丹青職貢新圖工周陟羽獵甫草歌車攻諸藩
以時入

覲陪瑀弓九菌百濮炎海渡浮空昆侖西極王母之
所宮伊古書契紀載難形容陸警水慄奔走罔不共
山莊會極絡繹隨賓鴻纏頭鐐耳効祝齊呼嵩上

皇帝壽章部環無窮

右藩服上

壽曲一章十三句

揚法螺霏天花遠涉絕漠朝

皇家

佛出世臨正衙震旦壽寓開光華資十力演三車現
大吉祥

帝所嘉寫須彌竝洛伽塞山萬道綯紫霞頌

皇聲侔岱華

平聲

積算永紀恒河沙

右衛藏上

壽曲一章十五句

聖駕五巡江浙雅十二篇

謹序

曹秀先

臣

竊惟唐虞書昉言巡狩至周遂傳般頌協於樂章漢唐以還鉅典或闕而不舉間立樂府辭蹇義淺不足稱美盛焉欽惟

皇上德溥化醇時雍光被

俞東南臣民之請

五巡江浙

行慶施惠藏富於民

至誠感孚河海澄晏爰舉舊章秩祀修祜辨材育士
昭儉還淳擊壤康衢駢臻人瑞融乎懋哉自生
民以來未有盛於

今日者也臣備員

禁近謹據見聞所及演爲雅詩十二篇各分章句
視周頌篇幅不啻倍之遭遇

亨期得拜手稽首以賡颺

盛治恢廓雅頌分章限句之範圍斯則臣之厚幸也

歟

上章紀昌期也壽世熙和東南望

幸

天子展義省方紹

皇祖丕烈

五巡江浙慰厥兆人焉

上章由庚蓂善建子嘉以通正養日延紀溥彼東南

離調醴理甘雷重雲咸受多祉

一章

眷茲南國

鑾輿時巡四和拱極

恩澤濡春歲酉以迄今粵十有五年或岡而竚或淵
而騫

二章

天子曰俞籲此臚誠岳牧入告孚厥兆萌緬
仁皇謨訓率

祖攸行孟陬春啟典叶便程

三章

泰交彙期得合以五五建大中範陳倫敘

堯德臨民五益其數慶奉

五巡饗鼓軒舞

四章

右上章四章章八句

誦訓觀民問俗也

鑿輿南巡發畿甸經齊魯達江淮及吳越

恩澤遍而民俗淳矣

誦訓土訓道志辨方泰遠祝栗蒙祀太平薄海內外
來享來王仁週義洽時夏陳常

翠華臨莅

嘉惠南疆

一章

渤碣東來燕安善首魯陽齊陰岱雲如阜泗滙淪漪
淮交清瀏三江委輸具區之藪建德同風浙河左右
二章

雅治光昭維民之質堅肥息美土性是率業以三餘
殖以百室惟恬惟熙歡迎

鳳蹕含哺而歌舒長

化日三章

右誦訓三章章十句

稠華紀豐裕也

壽宇延庥全燭正供

清蹕所經屢賜恤免先期復留截漕艘俾資平糶爲
利用厚生計者至深遠也至優渥也

稠華之黍挺秀於埜雙岐之麥植於郊埵禾穠芄芄
其葉猗儺嘉穠自生茂滋隴下

一章

百昌和豫時惟豐年

帝有恩言正賦普蠲崇墉比櫛長裕益民

仁壽貞符與物咸春

二章

恩膏稠疊富以倉箱

惠先畿輔達於江鄉山分青兗澤繞徐揚三登載獲

無事輸將

三章

東南漕運尾銜艫舳十萬之資俾留儲蓄用佐常平

用滋種稑既阜而康以遂以育

四章

右稠華四章章八句

翁河誌字佑也河漫儀封

命重臣董治

御舟渡清口

聖心虔禱百神效職河復故道永慶安寧

詔增神秩光錫

宸翰崇廟額焉

翁河順注其流湜湜協應以時

聖人之德 章

伊維儀封螭負洪河蟻隄漲葦交流湧波 二章

迺

命重臣俾司相度拓厥引河版堵胥作 三章

磬折參伍以行奠水因勢善漱辨其經委 四章

宸衷篤念誠通神誠

安福艫中禋禱純詹 五章

引河旣疏河流復道衍厥漫塗金隄是保 六章

瓦箱維南養以薰風迴瀾就注滉演冲融

七章

河流既復百神受釐崇封飾宇

宸藻光施

八章

雲梯者關黃流順度陶莊隄鞏蕩平遵路

九章

右翕河九章章四句

安瀾念海疆也海寧塘爲浙右保障

命建石塘以垂永固

安瀾

題榜照耀海昌滄瀛積水近接池隍以隄爲障以磧
爲鄉於時廬舍於時農桑坦水之石魚鱗之塘一章

惟此塘功昔傳柴冥朝潮夕汐伏流瀦漬權厥重輕
程石爲硨伊石性之堅巉巖分次斫石用貞濟川取
義二章

曲江之濤秋以爲期樓聚程功爰相其時絜東南之
利絜耕植之資惟此塘功曰慎永思經斯營斯成鞏
固之基三章

右安瀾三章章十句

精禋時邁告祭也

南巡奉揚

謨烈懋舉典章

命官祭

闕里望泰山及於南鎮山東祀金天氏陵江寧

展謁明太祖陵

遣祭近境名臣墓與夫舊臣之勤瘁職勞者望祀藉

神典至肅也

精禋以享昭格維虔

列聖貽謀

佑啟萬年無逸作所行健法

天勤政莅民

盛烈昭宣 一章

闕里之堂絲竹繞居

遣祀致恪思類樂胥端門立法舊垂寶書

君師統接合揆同符

二章

岱峯啟圖雲濡昌寓竹箭之英南鎮作柱望秩禮修

流澤覃訏時燠時寒曰暘曰雨

三章

金天鳳紀郊官禮徵秩官分祀鴈藻薦馨明陵鍾阜

蹟迤江寧

虔肅

展謁盡敬盡誠

四章

相古猷績前圖祇奉春風載敷被於墟隴保乂有陳

今承

天寵分注飮香勛茲靖共

五章

靖共率職

垂念舊臣敬承

恩獎封樹懷春春條北拱瞻矚

彤雲臣職惟勤

天鑒同仁

六章

石精裡六章章八句

州序廣學額也江浙人文之數歡迎

鑾輅俾廣其弟子員額文教廣文治昌矣

州序黨塾光分璧水典學有臣偕偕士子詩咏作人
譽髦斯士江介浙川人才蔚起鄉校始基踰踰濟濟
一章

枚枚類宮鬱彼棧樸或薪或樵閱以樂育四術旣崇
禮陶樂淑四民之首審端式穀進取惟期束躬思勗
二章

春誦夏弦習業有常先民是程

聖謨洋洋懋增科目行舉言揚克勤厥始昭示周行

南邦向暖春彙含昌

三章

右州序三章章十句

陳詩造士也多士獻賦

召試之浙江

賜中書者四人江南

賜中書者十一人江西

賜舉人者二人

陳詩髦士志慕賡颺西湖漸水有美惟杭兩江文教

洽于豫章

一章

春風扇和日華麗水仰捧

天題鳬藻志喜願摛其華爲披其綺

二章

惠茲南國因才擷英裁成長育在阿之菁薇垣中選

桂籍書名

三章

鶴鳴於臯鴻漸於陸文明啟治羣才連轂炳煥

天章江山馥郁

四章

右陳詩四章章六句

方岳飭吏也

聖朝政治肅清迎

鑾官吏寬其小過無過者許晉階焉

方岳分治牧令親民惟民之近惟善之因宣揚

德意如被春溫

一章

民力既紓吏行克舉歡奉

鑾輿和風揚詔赦過進律

恩波被溥

二章

恩波被溥慶繞

行圍澄心夙夜恪事愼微小廉大法惟國之肥

三章

右方岳三章章六句

祥輝昭肆眚也元朔布

恩綸寬被胥過

清蹕所經重敷

愷澤江浙輕罪自奉

詔後復子量減體恤之周靡弗逮焉

祥輝朗耀長養恢台

仁庥覆冒肆宥眚災允哉恤哉刑惟謐哉

一章

歡奉

恩言履端伊始矜茲過誤量示輕比棘寺承春夜烏

誌喜

二章

江鄉浙水

惠波重沛初慮呈歌式瞻卿

德教孔彰周茲甸蔡

三章

下車維禹解網維湯

聖人濩澤彞訓近

光感孚既洽愛厥心臧

四章

右祥輝四章章六句

淳化尙樸也吳越好繁華

聖訓崇儉抑奢俾風俗還淳三致意焉

淳化克敦素修宜樸吳越之區水潤土沃或慕紛華
而趨繁縟上厯

聖懷俾申約束董在官寮移厥風俗

一章

惟奢是抑惟儉是崇禮生於有國富在農日用飲食
翼翼雍雍首先創導莫不率從豈繫南土道一風同
二章

相彼蓺穫經始惟勤如彼楨幹質有其文南榮之曝
照以溫暾恬和永日登臺熙春祇奉

德音八表化淳 三章

右淳化三章章十句

三壽昭應瑞也福建舉人郭鍾岳年百歲浙江

章廣奇魯文元壽屆期頤夔鑠迎

鑾歡歌

盛治太平之上端也

三壽作朋靡睂皓首地接浙閩耕學相守

翠輦南巡歡迎恐後拜獻厥誠無疆

萬壽一章

臣郭鍾岳秋賦承

恩仙霞踰嶺稽首

宮門臣章廣奇暨臣文元祝

釐湖寺捧紵含溫

二章

昔聞榮洛五老觀河耕田鑿井華胥有歌豈如三壽

黃髮皤皤率先諸老娛樂太和

三章

太和

盛世宜阜安兮諺陳遊豫

恩普宣兮禎符上叶被高年兮角亢徵壽頌南山兮
四章

右三壽四章章八句

聖駕五巡江浙樂府十九章

謹序

朱珪

乾隆四十五年春

帝幸江南浙江孚民望勤民功也

皇上法

祖臨民在宥榮鏡歲辛未至於乙酉

巡東南者四自是以來億兆延企慕思俟

翠華之景光者十有五年乃得

報可先是濬陶莊引河成既有事豫河

上渡黃之曰

躬禱於河伯厥明決口就塞河復其道若合符劑於
是淮徐所在堤堰

命以時次第修築而浙之海寧魚鱗各塘悉發金鏈

石

親臨籌度釐舉

指定奠萬世功謹案周禮肆夏詩時邁也曰及河喬
嶽般曰允猶翕河言王者巡狩四嶽河海高高
下下陂障宅居非尋常行慶施惠之事也若夫
湛恩疊沛

賜蠲復租巨億萬計禁繁奢減流就問耆年登髦秀
官士軍商周覃涵浹恭逢

天子七旬萬壽純嘏蕃釐俾大江南北海隅蒼生親

覩

穆穆印印之輝自朝至於日中昃勤勞民庸至誠無
息者如此皇哉萬古未有之

盛烈也

臣

蒙

恩備員

清禁未與扈從

屬車之塵竊揣萬姓鼓舞抃躍宜有擊壤華封之

辭可附聲律者謹擬迎

鑾樂府十有九章以獻其詩曰

皇釐純撫極和由庚五臨恍被八風宣行四十五年
壽愷曼聲衡殷南斗河江緯經天樞地奠兆人叶情
鸞鈴葩瑤肅離觀聽一章

帝臨

紫壇元日卜辛臯搖旭卉穀我下民

象載留俞

龍韃發昕民曰曠哉十有五春甸服鉅秸拜

賜復仁視邇暨遐膏露昀昀

二章

濟水流漑潑方山秀剡施望秩於岱宗軌道經下趾
五汶灋異源泗沂輸同委青陽汎滲漉齊魯榮俶始
時哉鳩鴈聲

清問古郊里耆媪何熙熙康我耕與耔

三章

大河混混東南趨清口歆歆淮泗俱陶莊堤外八百
丈引黃北注甌長渠

仁皇六巡親指畫雲梯直下神哉

謨年深填闕待疏淪功成

聖睿

天所俞

禹碑手紀四載績蛟龍蜿蜒行歸墟

躬臨河防更跋履允猶般頌隨柔書

四章

中春十日

帝觀於河惟儀封未塞豫之民以咨嗟謂爾河伯壁

玉禮有加

至誠侯志順風涌沙架鼉枝撐連鰲盤擎千里一息
赴壑就科

天佑神相水蠭舒波慰我

宵旰憂勤實多
五章

淮水湯湯禹州惟揚湖浸甓社山綿蜀岡萬竈沸海
千颿轉檣施舍已責

惠農及商天喬蒞薊平山堂衢尊羅舞聲發梁節以

制度阜且康

化南自北慶入疆

六章

龍舲發瓜步鵠首迎澄瀾青山忽近遠天水浩已寬
紫金屹中流蓮宇高空攢倒茄鏡無蒂玃天出椽欒
堯心一登攬六合愜大觀列眉指焦固辨樹轆江干

七章

徑銀蒜挖京峴曲阿洄夾岡衍籥金牛眺黃巘披芙
蓉梁溪淺錫惠駢漱鳴珣翳

華芝蔭芳蘚

八章

虎阜兮坡陀華山兮竄窰通門開二八茂苑疏曲沼
天平上靈巖具區俯瀛滄五車星氣聚

六御龍光繞三江放東瀛涵浸日月表吳歛起滄浪
聳聑樂魚鳥

九章

吳越同星嘉禾壤錯女勸蠶桑農勤蕘簪烟雨空濛
鴛鴦秀綽玉帶灣環車溪噴薄春風嚶嚶芳涇蘼萼
浙西唱于

恩先咨度

十章

白塔漱浦口赭山浙海門疾雷乘噫氣齧岸春沙痕
柴塘樅石蓄歲久撼厥根

帝厓濱海民爲爾安墮崘

疇咨今已五艮趾義取敦萬年計磐石工大誰能論
魚鱗盡修築坦迤排山跟遙臨鳳皇麓輦若鳬鷺
十一
章

浙山娟娟水滿汀湖光江色搖空青面湖窅窅洞天

闕近挹遠取皆瓏玲寶石寶雲接葛嶺靈隱靈鷲俱
南屏鳳岡遙裏萬松葆龍井倒汲風篁瓶迎潮未擬
白鷺下擊水已運垂天翎圓竇噓氣豁

睿照安瀾底續符

清寧 十二章

覽浙水兮右旋溯大江而東上馴敦圉於石城擾之
而兮鍾蔣梅岡芬其雨花天闕屹其抗掌緬秦淮兮
委蛇睽龍潭之罔象眇六代其紛員稱殷禮於肸鬻

澤滂渙乎江國

施南賜而北橫

十三章

山陽西南隅高堰鍵其阨北當淮泗衝南盭漕湖隘
瑄馴所修捍遠蹈元龍蹟圖彼洪澤寬誰鑠支祁魄
咫尺距清口瀉汗導桐柏

皇來繩

祖武

念茲濱廣斥金堤以次完甃甃易堅石長令淮表民

畋田宅爾宅

十四章

河延道兮彭城東交挾汴泗瀉兩洪黃茆岡起雲龍
麓蘇堤蹟與戲馬同舊川旣歸建瓴下切和地防紆
天衷蜿蜒左右蕭颺近嘯喻消長淮海通韓山奎山
石堰接分

命圖度求康功

璿文大書記河復黃樓何事誇元豐

十五章

帝咨岳牧惟河海奠居鞠人謀人非山川是娛東南

喁喁無已奢麗土事勿飾木事勿鏤

頒金太府

賜所過租全復

蹕所溥弛舊通百司伍士拜級受糈存問齟齬肆赦
胥辜功宗咸秩漑於幽遐

大澤摶流蹈舞康衢

十六章

三江揆麗則羣雅多和聲雲河傾

天藻風草抒下情陳詩達夏諺奏賦擬漢京蘭茝擢

其秀菁茅彙以征學校廣弟子科第開已庚作人

壽胥試賀世鏘先鳴

十七章

大園垂精三辰光華大塊專與萬寶紐牙文思

堯暢文明

舜歌瀏覽民風疏寫性和

龍書穗篆名山刻摩敷言

皇極矢音卷阿

十八章

帝車般兮

駕赤龍壽星大角行天中河游五老邀海童上下騰
驩

第祿豐

五巡江外祉函蒙

七十萬壽勤

天工

天道下濟如張弓庶民惟星好雨風日光月輪囷於
東

萬年

聖德歌

乾隆 十九章

聖駕五巡江浙雅十六章

謹序

翁方綱

皇帝御極之四十有五年春懋舉

五巡之典由

畿輔歷齊魯越江淮達浙海

恩暢祐備普天歌舞欽惟

皇帝陛下運如天如神之仁智以函養萬寓而澤國
下民出入勤息無一不具在

聖謨布濩之中矧茲

躬親沛祉入疆考績以順輿情飭吏治阜民生平水
土課農桑而非以遊觀也然猶

訓諭諄諄惟以簡省供頓崇樸黜華擗節愛養爲本
先下截漕之

詔以備平糶加給漕丁月糶緩長蘆鹽課之徵免直

隸山東積欠常平社穀甘膏載路靈峯德水辰
依星拱以照南國惟禹貢徐揚二州之域戶口
財賦寓內稱最饒沃土之民

聖所深念也蠶麥春農山光人氣欣欣與萬綠迎

輦爰自水陸所經各免地糧之徵以暨上下江漕糧
又悉蠲浙江民未完借穀又悉蠲淮商竈戶積
欠又悉蠲萬寶聚稔春臺熙熙小民有瞻就之
樂而無供億之勞

天光之照與雨潤日暄並行所以土壤豐腴庶物蕃
息者乎皤皤之叟扶杖道旁是

聖壽所涵煦也青衿鼓篋音中鐘律是

聖教所培育也水陸卒旅旣整且嫻是

聖治所練實也

錫賚便蕃優秩以等

觀民設教之精心深浹於肌髓矣

翠罕甫臨漏未移晷而

典詔鴻謨以時宣布

璇文奎藻絡繹飛耀山川民物雨暘煥寒悉陶鎔而
包孕焉懷柔百神望秩以徧暨乎舊臣皆

賜祭以示優眷而於湖上神祠

特加釐正斯又覈名義綜條理爲禮度文之極軌矣
然而

執兩用中之旨節宣疏濶之宜則尤於河防海塘爲
重也先是

四巡於河則建石礮立水誌拓清口闢金灣於海則
繕柴塘築石壩修盤頭加簍坦改建百里魚鱗
大石諸工次第備舉矣而今春河工合龍之時
正

聖主渡黃虔禱之日天人協合百靈助順海之石工
坦水並經

親度增建益昭

睿慮之詳永錫安瀾之慶迺知昔人所頌刻玉滎河

披圖輯瑞者特虛擬而非實政也況乎山增川
至恭逢

一人凝禧集祐之辰鹿呦於苹鳳翽於桐合百嘉萬
瑞之源而上暢旁流照景飲醴斯帝者之上儀

往牒所弗及已謹案詩正義述政事謂之雅

臣

幸備職詞垣敢附於歌詠之義敬撰雅十六章
以獻其詞曰

大圓溥物化生消陽柄以臨斗璣衡瑤光是曰

帝車運乎中央下照寰海濡液萬方翕河喬嶽於徐
於揚於浙川許

仁風四翔合大海氣以沛滂洋山川精英莫不告祥
屢豐之慶

萬祐之昌靈書玉券金鏡珠囊

一章

維泰之祺首蠲通賦望

幸之忱慰彼黎庶先自

畿輔歡歌載路爰逮齊魯青膏如澍蠲除丁糧比戶

加裕祇留漕糧備糶加貯三江雲水三春花絮麥浪
稻叶首澤沮如是真盈寧是真補助康功田功發爲
遊豫逕三千里

恩光布濩敷天瑞氣來遶

鑾輅一章

慶霄在上萬品順則典揆時敘惟

帝之德

訓茲大吏廉公平直爰暨於庶僚胥匡以飭

念東南土俗易趨雕飾

深燭治原在務本之力返樸還淳以培以翼五禮五
器九功九式寒燠雨暘山川動植皆官之課皆吏之
職拜爵拜

賜敬矢惇惇上民功於

天子曰漁樵耕織

三章

黃髮翹佇一十五春鳩杖手扶歌

天子之仁龐眉皓首矍鑠其神是皆

醲化蘊結淑醇太和一氣積祐於人使年自延而序
日新昇平之瑞耆士耆民沐浴

壽考何福不臻荷

賚之周粟帛簪紳於江之渚於浙之濱

四章

兵丁月糧漕丁月糧感激歡歌舟旁道旁長蘆諸商
兩淮諸商踴躍來趨江鄉海鄉緩徵帶徵

渥恩汪洋皆爲小民生計樂康竈戶海濱辛苦其常

上廔

聖懷深籌各場山陬水澨家裕蓋藏香花頂祝咸說

無疆
五章

聖皇體

天之撰一法

祖之忱法

祖之謨一愛民之心大生廣生翕闢而成音黃鍾大

呂磬筦笙琴師儒來聽

典謨之臨官民來聽

訓則之纖及夫舟居山憩仍如

禁籞深沈片碧千里寸窗遙岑萬景萬籟攝入

高吟息息靜觀大哉

宸襟造化真意寬冠古今豈惟

藻翰下壓藝林

六章

江山秀發牛斗精靈發諸膠鬲人文乃馨
僦僦生儒各抱一經第其嘉頌釋藍而青更

念菰蘆曰采榛苓大中小學笙箏同聽

詔廣士額歡抃塾廳孝弟力田以勸以型偕承

籲俊文體是銘欽惟

訓言炳爍日星

七章

旣揆文教爰

飭戎行樞機周密軌度載詳水陸神臯於江於杭萬
川朝宗其流湯湯

臨軒親閱象緯森芒周環敕齊屯守駐防講肄奮勉
慶賞煌煌

帝詩自紀邁古有光程功考實以示萬方何論籀書

石鼓岐陽

八章

鑒茲嘉石

惠茲嘉師矜恤庶獄膏浹四馳

念爾罹於咎而際於昌期元正之

詔惟

皇則宥之

天語如春溫盎盎熙熙江水迴波淪滌無遺

舜琴之薰

禹車其咨一氣鴻鈞惟

大澤之施

九章

典瑞之

頒釐自春官百神百祀既敬既殫赫赫位號不殫於
安瀾助順永寧工祝載歡暨古賢哲祠墓江干皆荷
宸光旒風不寒榮及舊臣感動駕班

論定花神像映湖山

十章

岱宗巖從導山自東

御題雲巢漢柏秦松東南石脈鄒嶧是從惟

道光所照紫翠雲封南徐諸山翼翼熊熊至於金焦
百靈所宮紫金浮玉來受

崢嶸翠氣蜿蜒直趨九龍靈巖鄧尉天平穹窿萬笏
琳腴千尺雪虹然後吳山

大觀在中雲光擁來南北高峯飛來鳳凰蹴起碧空
還眺棲霞千佛璣瓏天巖天闕與

德比崇環奇獻秀萬山呼嵩

十一章

川上之篇自泉林始宣

道妙周流滙爲大文三萬六千頃太湖齋齋如是湛
深

聖人之恩大江西來莽莽飛奔東去萬里直注海門
高下貫輪沆瀣潏潏

聖人之澤演迤益蕃廣陵之濤舊說紆煩得

聖人之辨地輿披根於揚於杭槩屏弗論至於杭湖

萬綠靚春松
雲花雨與湖
吐吞合大圓
鏡派別無痕
泚泚激灑胥
來崑崙

聖領其要萬川會源

十二章

先是漫口工急儀封

宵旰殷勞日積於

深宮所以望幸之忱

帝俯允從

天光下臨陶莊清口各工胥憑

指示度其底功渡黃之日禱切

虔衷精誠一氣直達

上穹果於次日大工合龍新河順流助以順風大溜
全入暢達乎春容全黃循軌滾滾朝宗天朗氣和注
海而東順黃新壩增培以豐十堡十六堡固護重重
是皆

御筆標示於圖中璇璣在手圖儀在胸是以一

出巡而不續會同協時定日正律吹笛

十二章

神禹之績至於會稽實今浙海之區惟海寧是釐七
郡生靈賴一綫塘堤北南中壘龕赭相持

聖人之慮洞於先幾辛未丁丑屢

親籌咨戊寅之冬沙起潮移大吏繪圖跂待

六飛壬午乙酉

相度以時柴工石工備

授機宜三百里績六千丈基日運量於

皇心而益切今茲魚鱗石塘潮汐捍支增建坦水一

律永垂

仁智並運洽矩中規金堤崇墉蜿蜿虹霓石壩橫空
砥柱在斯陽侯海若安瀾愉怡

聖祐哀對皇皇

豐碑 十四章

萬彙棣通翹秀之成根蓂以遂氣協嘉生園煦濡藹
嘒嘒發其英條修葉貫金膏玉瑩穀人晝歌絲人夜
賡相土揆力熙景含榮惟

聖壽之嘉年合叶由庚含寧於子瑞慶交并視前
四巡倍殷羣情萬象春氣遶

玉轡聲

十五章

喜氣江天湧
涵洄旋堤工塘工望

指示逾虔大僚庶吏望

恩施逾專老民老婦望

錫賚逾歡鬻舍卒伍望

沛澤逾繁如海之涵如江之淵如山之橐如春之暄

星罕辰旂光徹於八埏歲逾豐熟瑞逾接聯長荷

懋祉於億萬年

十六章

聖駕五巡江浙樂府十六章

蔣士銓

啟

鑾頌

練時日啟

鑾輿載龍旂乘斗車

黃屋左纛臨天衢千官扶輦

龍顏愉雨師灑道和風徐官柳拂翠霑旂旗杏花李
花笑靨舒東皇頒春暖郊墟燭龍銜炬涿鹿隅不夜
之城仙人居燈球月彩千明珠

三省歌

魯道寬平山婉孌吳人越人手加額筐篚壺漿滿阡
陌

天皇下視沛膏澤芄芄兩歧秀牟麥卿雲紉纓冠冕
皦

玉鞭所指陽春積

老人歡

三朝人到今時老共樂昇平誇壽考曾瞻

帝輦御卿雲鈞天樂奏迎陵繞

聖祖時巡

神孫繼萬類熙怡民不擾銀牌掛胷曳黃裳白髮龐

眉拜

天表繡陌花塋長子孫千歲桃花紅不了

軍中樂

刁斗不擊旗門開綠沈之槍生古苔
太平軍士枕戈卧但有雨露無風雷
連營妻子飽糧餉更拜金錢聖人賞
調馬呼鷹到白頭不見塵埃烽火上
吁嗟乎萬歲千秋不用兵

壽星本是長庚星

丁糧謠

朝聞免地丁暮聞免錢糧
閭閻飽暖富以康鑿井耕

田人命長卅年儲蓄謹蓋藏世無荒政歌豐穰催科
之吏不下鄉五雞二豕連蠶桑

旗丁語

浙江江南與山東艨艟銜尾隨正供

時巡所莅捐腐紅截漕給賞

錫賚同雇值暫停篙舵工牽船就岸

恩波融運丁今歲罷邪許屯田老兵坐相語打疊迎

鑾頌天庾

畿輔祝

向陽花木逢春早三輔之人能頌禱翔迴似鳥集上
林於物如魚戲靈沼免賦除逋布

恩澤何止金錢千萬億試看天津廣平大名與順德
四郡春風吹樂國

商竈謳

煮海鹽官通食貨牢盆歲備長蘆課積逋五十餘萬
緡

詔許徐蘇商力瘳供帳毋奢仍既往各

賞朱提數萬兩更免三江藩司所欠丁與糧損上益
下

恩洋洋

社長述

山東社長歡欣語好風習習吹禾黍推陳出新裕民
食百穀軒昂仰春雨舊逋粟麥五千零

勅官全免徵比停鄉村鼓腹敲社鼓入蜡祠中共歌

舞

中州悅

恭聞壁馬沈於河瓠子已塞宣防歌

河神效順合龍速安瀾順軌平盤渦

至誠感格羣靈呵方舟利涉無偏頗芻茭山積罷催
科民力喜紓民氣和五老榮光共婆娑庚辰制縛蛟
龍鼉

帝來遊觀平不波

六龍扶輦青銅磨嵩山遙呼

萬歲過免貽糜費

恩膏多買讓拜手賡猗那

臺灣舞

赤嵌城東官勸農鳥音占吉歌年豐鯤身鹿耳商舶
通十六萬石輸正供瞻望

北辰歌南風

皇帝懷保遐邇同

勅下有司體朕意四邑今年除賦稅臺民膜拜面帖
地萬口侏僂呼

萬歲

析楊喜

徽纏纏身守園土棘牆四面垂簷苦天雞忽唱扶桑
顛貫索星空龍劍舞下車泣罪

惻隱均釋網縱禽畋獵仁脫身湯火

君恩重從此鴟鴞變鸞鳳吁嗟乎刑措之世登春臺

酷吏罷斥循吏來

廣額榮

茂才異等古一科中原麟鳳

皇家羅童子一軍能荷戈江東年少英雄多合抱之
材起豪末培養萌芽使條達縣分二等廣試額如積
疇零成閏月試看藍衫雀頂章服翩翩來就中應有
梁棟材大匠慎勿輕條枚

三郡愉

金陵延濞連武林三郡駐

蹕天光臨丁糧全免膏澤深尺一

詔勝千黃金

六飛屢過生歡喜

萬乘來停更如此華胥之國帝釋都民如魴鯉游江湖衢尊灑灑飲醴酬我

皇來時蟄蟲蘇

海塘行

鹽官城下滄溟泮金堤鞏固橫衣帶萬億金錢樵石
牢天吳不敢踰疆界吾

皇威力神禹如

南巡五次停

鑿輿老鹽倉下柴堆四千丈改築永奠黎民居恬波
溶溶若方諸珊瑚珠貝龍堂儲方畧指示皆

廟謨史臣敬撰河渠書

祝

赧詞

四十五年

皇七旬康哉

帝世常如春

壽考作人四國賓萬物錫類親其親

帝秉謙德依於仁辭賀却貢垂

皇綸大吏守疆各慎勤勿以厥篚來

楓宸

鑾輿且莅承德城表牋勿許黃門陳

天覆地載報莫申九如之祝萬邦均維

天行健百福臻八荒

壽域開鴻鈞

聖駕五巡江浙演五聲引

謹序

汪學金

臣謹按樂府有五聲引宮以歌君商以歌臣角

以歌民徵以歌事羽以歌物蓋聲音之道與政

通故宣德意而美歡心通庶績而邇羣動是以

盛王之世軒轅皇歆聲振大化洋洋乎帝者之
上儀流祚於無疆也洪維我

皇上奉

天出治率

祖攸行所其無逸以化成天下
粵乾隆四十五年上
章之歲恭遇

萬壽七旬渙號滂洋鴻庥汪濊先是吳越守土吏採
諺陳牘蓋江介海隅跂踵望

幸者十有五載於茲矣

天子乃順輿情

飭舊典春日載陽莅我南服烝徒不煩臺館不飾而
惠浸萌生澤濡翔泳靡有紀極焉

詢於岳牧

清問下民周游而棣通之俾廉能有所勸疾苦無所

隱穆穆皇皇晬然

天容懷柔百神先河後海敞澤障川績以時敘神人

治矣

功德茂矣

辰旂載路風雨和會魚鳥景從春田之詠騶虞東
都之稱甫草烏足以方八紘爲郊極哉

大德受

命五者咸備然後

睿情愉懌元音鎗鏗聲律身度宣播金石非扣槃窺

管之所知也

臣

海濱下士鼓舞

昌運譬如候蟲時鳥不能自己敬演五聲引各九

章隨廷臣之末拜手稽首以獻其詞曰

璇璣七政齊玉衡軒雲堯日光華生

六龍時御法

天行一章

聖祖省方莅南紀康衢之尊

帝所賜侯我

后來德音嗣二章

八風宣律闐闐開明堂鏗鏘甌臚來歡聲動地普九
垓三章

詔俞所請

念民瘼珍臺弗御瑤觥却松雲棟牖

那居樂

四章

敷錫慶闔朝元正三靈逢涌霏祥翼

泰壇肸蠭萬寶成

五章

天葩十丈彤雲結

寶軼金罍鏘玉節

斗車所指羣方悅

六章

二曜璧合騰天文有風自南諧歌薰儀山藻川宙合

欣

七章

芝檢蘿圖演籌九長庚煌煌射珠斗於萬斯年綿

曼壽

八章

延洪八表壽域昌西方化人七寶光祝

釐萬里

聖德洋 九章

右宮引九章

卿雲在霄八伯賡承流翊運歸蕩平玉繩貫珠拱

穆清 一章

皇儀榮鏡車書一六服宣風率其秩江衡如砥候

雲日 二章

斗牛之分執玉趨晝日三接歡賜酺

天光所照肴樂胥 三章

帝曰欽哉汝守土民之從星好風雨召父杜母

朕慶汝

四章

帝曰勗哉師武臣吳戈越甲飈霆震

天威景鑠揚崑崙

五章

帝曰嘉哉爾多士東南翹材英鎡美輶軒採珍貢

天子

六章

入疆考最治行彰蓼蕭

錫祉譽有章小廉大法悅且康

七章

紳佩戢戢觀南服皓首龐眉

眷耆宿歲寒枝老春風渥

八章

賞延澤暨滂液滋拜手稽首歌

緝熙日升月恒天保詩

九章

右商引九章

吳人越人隔江語自我耕桑在南土

惠我南土

翠華五

一章

青旗來矣淮之湄輟童壤叟歡閭閻鏡波千里江南

春
二章

劭農錫羨古無此普免輸將億萬秭

壽以政年廣蕃祉
三章

農祥有慶青陽敷

屬車所過寬其逋府帖又罷今年租
四章

蒲柳陰中麥風熟黃雲堆隴高於屋水田萬頃秧針

簇
五章

湖蠶浴澗澗水香一眠一眠勤採桑願爲黼黻登

天閭
六章

里中三老頭如雪栗帛攜歸脚蹇躓喁喁兒女燈前
列
七章

我有子弟歌佩衿魚魚雅雅朋盍簪泮宮之芹揚頌
音
八章

東南都會地膏腴銅市鹽池惠商賈澍雨霑雲自天
普
九章

右角引九章

持維紐綱御四極斟酌元化洽

明德哀時之對奠南國一章

巨靈導流迎天吳蒼龍蜿蜒

安福艫惟禹之績闡

帝謨二章

黃樓百尺波光映宣洩陶莊順其性雲梯直下河流

勁三章

金隄屹立蟻穴封木龍水誌平成功年年奏報淮南

豐

四章

勾陳翼衛趨靈瀆儀考安流葳功速千里朝宗慶河

復

五章

鹽官築隄瞰海鹽菱塘歲久浪齧痕登以石齒蛟鼉

蹲

六章

蓬萊官闕湧晴旭水犀三千陋飛鏃迎潮曲譜迎

鑾曲

七章

神祇秩祀牲醴芬水衡之錢發萬縉來觀厥成

巽命申

八章

登封不尙云亭禪

恭德乾衷致清晏一豫一遊徵夏諺

九章

右徵引九章

川珍嶽貢萃地靈貞符縕豫揚景星麟儀鳳師遊

帝庭

一章

黃圖沃野號天府兗州漆絲產桑土泰山之雲六合

雨二章

大江東注百寶潛惠山蜀井雲腴甘巖花萬片春潭

潭三章

聖湖烟雨蘇隄曉三竺雲峯翠螺繞萬壑千巖發

天藻四章

鍾山蒼松千尺鱗棲霞凌空抽碧峣仙人樓閣瑤草

春五章

江村種桑桑已滿家家春晝繰車緩雪繭堆籠大於

盥 六章

來牟翻犁吹午風春泥一墾開牛宮其雨其雨歌三

農 七章

東箭南金五都匯熬波出素利陸海泰媪龐鴻育壽

載 八章

皇澤晷藻逮漏泉百昌豐阜歌有卷春臺普廣祝

萬年 九章

右羽引九章